

TARIKH	22 / 10 / 2013	MUKASURAT	41
HARI	JELASA	RUANGAN	KUALA SELANGOR

Hari Keluarga 1TNB pecah rekod

KUALA SELANGOR - Hari Keluarga 1TNB yang diadakan serentak di seluruh negara berjaya menghimpunkan keseluruhan kakitangan sekali gus mencipta sejarah dalam *The Malaysia Book of Records*.

Pengurus TNB Kawasan Kuala Selangor, Mohd Nazri Puteh berkata, kakitangan TNB Kawasan Kuala Selangor juga tidak ketinggalan mengambil bahagian dalam Hari Keluarga 1TNB itu yang diadakan di Padang Sekolah Kebangsaan Bandar Baru Kuala Selangor.

Menurutnya, program itu bukan sahaja mencipta sejarah bahkan kakitangan dapat

bersama membuktikan kemampuan diri dalam aktiviti sukan yang dianjurkan bermula jam 8.30 pagi hingga 1 petang.

"Saya bangga dengan penglibatan kakitangan yang ternyata memberi komitmen terbaik untuk menjayakan program ini dan pada masa sama, hubungan kekeluargaan dan semangat kesukanan dapat ditingkatkan.

"Mereka bukan sahaja dapat mengeratkan hubungan antara keluarga bahkan dapat menghilangkan tekanan kerja. Saya juga berharap program sama dapat dilaksanakan lagi pada tahun depan," katanya.



Mohd Nazri (kiri) bersama sebahagian ahli pasukan Biru merakam kenangan di Padang Sekolah Kebangsaan Bandar Baru Kuala Selangor.